



**DEPARTAMENTI I EPIDEMIOLOGJISË DHE KONTROLLIT TË
SËMUNDJEVE INFEKTIVE**

BULETINI MUJOR I SËMUNDSHMERISË INFEKTIVE

(Pasqyra 14 Sh)

JANAR, 2021

Buletini Mujor i Sëmundshmërisë Infektive publikohet çdo muaj nga “Sektori i Survejancës dhe Shërbimi i Inteligjencës Epidemike”, Instituti i Shëndetit Publik (ISHP). Ky Buletin Mujor bazohet në të dhënat e Sistemit Madhor të Bazuar në Sëmundje (SMBS) të raportuara përmes Pasqyrës Mujore 14 Sh. Ai plotësohet në Pasqyrë në formatin EXCEL, dhe dërgohet me postë elektronike dhe me postë zyrtare, brenda datës 10 të çdo muaji, në Departamentin e Epidemiologjisë dhe Kontrollit të Sëmundjeve Infektive (DEKSI), Instituti i Shëndetit Publik. Të dhënat e agreguara të Pasqyrës 14 Sh për muajin janar 2021 janë të dhënat e raportuara nga Njësitë Vendore të Kujdesit Shëndetësor (NJVKSH) në rrethe.

1. Sëmundjet diarreike

Sëmundjet diarreike, gjatë muajit janar 2021, zënë 29 % të totalit të sëmundjeve infektive të raportuara me anë të Pasqyrës 14 Sh, dhe paraqesin një incidencë 106.3/100.000 banorë. Gastroenteritet e paspecifikuara janë të shpërndara në të gjitha rrethet e vendit dhe zënë peshën kryesore në grupin e sëmundjeve diarreike. Ndërkohë që, në nivel kombëtar helmimet ushqimore paraqesin një incidencë 3.25/100.000 banorë. Rrethet Berat, Bulqizë, Kukës, Mirditë dhe Tiranë mbajnë peshën kryesore në raportimin e helmimeve ushqimore. Duhet theksuar që, numri i lartë i rasteve të raportuara me helmime ushqimore dhe gastroenterite është i lidhur me pamundësinë në nivelin e disa rretheve të diagnozës së saktë klinike dhe konfirmimit të saj me diagnozën laboratorike mikrobiologjike.

Rrethi i Shkodrës mban peshën kryesore të incidencës së Shigelozës për muajin janar 2021, në nivel kombëtar përkatësisht, me incidencë 9.59/100.000 banorë (13 raste të konfirmuara), NJVKSH Dibër ka raportuar vetëm nga 1 rast të konfirmuar me shigelozë, incidenca 1.62/100.000 banorë.

**Tabela 1: Frekuencat dhe incidenat e sëmundjeve diarreike për muajin janar 2021
(Incidenca raste/100.000 banorë)**

	Raste Janar 2021	Incidenca janar 2021 (raste/100.000 banorë)
Tifo abdominale + Paratifo	0	0
Salmoneloza	0	0
Shigelozë (Disenteri bacilare)	14	0.49
Dizenteri amebike	0	0
Toksikoinfeksione alimentare	93	3.25
Gastroenterite (etiologji e panjohur)	2936	102.57
Sëmundje diarreike në total	3043	106.3

2. Sëmundjet EPI

2.1. Fruthi

Gjatë muajit janar 2021 është testuar 1 rast i dyshuar me fruth nga Tirana, 15 muajsh i pavaksinuar, në “Laboratorin e Virologjisë” në ISHP i cili ka rezultuar negativ. Krahasuar me një vit më parë, gjatë muajit janar 2020 janë testuar në total 11 raste me fruth, nga të cilat janë konfirmuar 2 (18%) raste nga ana laboratorike. Këto 2 raste i përksnin bashkisë Tepelenë dhe Shkodër. Të dyja rastet ishin në moshë pediatrike, të pavaksinuar dhe të shtruar në spital. Për të dyja rastet është kryer hetimi, dhe janë vaksinuar të gjitha kontaktet e ngushta.

2.2. Tuberkulozi pulmonar

Gjatë muajit janar 2021 janë raportuar 21 raste me TBC Pulmonar dhe ekstrapulmonar. Nga 14 rastet e raportuara me TBC Pulmonar, 11 janë të konfirmuara. Rastet janë përkatësisht: 11 në Tiranë, 2 në Durrës dhe 1 në Dibër. Gjatë muajit janar 2021 janë raportuar 7 raste të konfirmuara me TBC ekstrapulmonar, përkatësisht 5 raste në Tiranë dhe 2 në Shkodër.

Duke e krahasuar me muajin janar 2020, janë raportuar 12 raste me Tuberkuloz pulmonar, 3 raste me Tuberkuloz ekstrapulmonar dhe 9 raste me Tuberkuloz pulmonar. Rastet e raportuara me tuberkuloz pulmonar kanë qenë përkatësisht 3 nga Tirana, 2 nga Kruja dhe nga 1 rast kanë raportuar Durrësi, Librazhdi, Lushnja dhe Mirdita. Rastet janë të grup-moshave të ndryshme nga 20-65 + vjeç. Rastet e raportuara me Tuberkuloz ekstrapulmonar kanë qenë përkatësisht 2 nga Tirana dhe 1 nga Shkodra, të grup-moshave 20-24 vjeç, 60-64 vjeç dhe 65 + vjeç.

3. Hepatitet virale

Në raportimin mujor të sëmundshmërisë infektive gjatë muajit janar 2021 janë raportuar në total 19 raste me hepatite virale akute (Incidenca 0.66/100.000 banorë) nga të cilat, 4 raste me hepatit viral të paspecifikuar, 12 raste hepatit viral B të konfirmuar, përkatësisht 11 nga Tirana dhe 1 nga Devolli, dhe 3 raste hepatite virale as A as B të konfirmuara nga Tirana.

Duke e krahasuar me muajin janar 2020, janë raportuar në total 5 raste me hepatite virale akute (Incidenca 0.18/100.000 banorë) nga të cilat, 1 rast ishte hepatit viral i paspecifikuar, 1 rast hepatit viral A i konfirmuar nga Elbasani dhe 3 raste hepatite virale B të konfirmuara nga Kuçova dhe Lushnja (2 raste).

4. HIV/AIDS

Gjatë muajit janar 2021 janë kryer 22 ekzaminime për HIV prej të cilave 6 raste (3 meshkuj dhe 3 femra) kanë rezultuar HIV pozitiv. Shpërndarja gjeografike e rasteve që kanë rezultuar HIV pozitiv janë, në Laç, Elbasan dhe Tiranë. Grup-mosha e rasteve pozitive varion nga 19 vjeç deri në 52 vjeç. Rastet pozitive kanë ardhur kryesisht nga Banka e gjakut, ALNET, Spitali Hygeia dhe nga një shoqatë etj.

Duke e krahasuar me muajin janar 2020, janë kryer gjithsej 82 ekzaminime për HIV, 50 meshkuj dhe 32 femra, prej të cilave 9 raste kanë rezultuar HIV pozitiv. Shpërndarja sipas gjinisë tregon se të 9 rastet janë meshkuj. Shpërndarja gjeografike e rasteve që kanë rezultuar HIV pozitiv janë në Ballsh, Korçë, Durrës, Shkodër dhe Tiranë. Grup-mosha e rasteve pozitive varion nga 23 vjeç deri në 66 vjeç. Rastet pozitive kanë ardhur kryesisht nga Spitali i Sëmundjeve të Mushkërive, nga VCT Tiranë, nga Banka e gjakut etj.

INSTITUTI I
SHËNDETIT PUBLIK

DEKSI